

Segun Benny Nisbet:

“Actonan ilegal versus Good Governance tabata riba mesa di Staten...!”

ORANJESTAD (AAN)—Lider di partido PPA, Sr. Benny Nisbet, Aruba ta den un situacion financiero caotico. Esaki a consecuencia di mal gobernacion y mal administracion financiero di parti di tanto gobierno di MEP y gobernacion di AVP ultimo 20 aña.

Resultado di esaki pueblo por sinti y nota muy en especial ultimo viaha durante presentacion di e Rapport di IMF cu ta señalala cu gobierno di Aruba tin un debe di alrededor di 1.7 biljon Florin. Ta un hecho cu ultimo añanan tanto gab. Eman como gab. Oduber a hiba un maneho financiero caotico cu tin e futuro di nos pueblo colga pa un hilo. Pesey “good governance” a base di e principionan di bon gobernacion y a base di nos leynan ta un necesidad agudo.

Ponencianan emocional manera basta cu e Meta ta bon e ta hustifica e medionan ta algo cu nos mester cuestiona seriamente.

Dialuna merdia ta hustamente un caso asina parlamento tabata tin riba mesa.

SVB pa ley ta administra fondonan di 4 fondo y ora placa resta e ta worde poni den dos “schommelfonds” pa sostene e otro fondo, esta AZV y AOV ta sostene otro y

AOV y AWW ta sostene otro.

Kico gobierno a permiti pa tuma lugar....?

Aña pasa na un ocasion gobierno a permiti pa SVB presta AZV un suma di 13.6 miyon Florin SIN cu ley ta

permiti esaki.

Tambe ta asina cu na November 2004 gobierno a instrui SVB pa pasa un suma di 13 miyon pa AZV atrobe y awor un otro suma di casi 11 miyon Florin pero esaki como donacion. Un caso hopi cuestionable, pasobra e fondo aki NO ta propiedad di gobierno ni tampoco gerencia ni raad van toezicht di SVB. E ta propiedad di esnan cu ta paga nan premie basa riba ley esta e pueblo y e doñonan di trabao.

Gobierno y fraccion di MEP ta hustifica cu nan mes splicando cu AZV ta den problema serio y mester paga pa remedi pa pueblo y nan ta crea un ambiente pa e pueblo kere cu SIN e aprobacion pa sumanan paga caba e pueblo paciente lo no por haya su remedi locual no ta berdad.

E pregunta cu realmente pueblo mester pone su dilanti ta:

Si SIN cu tin un cambio di nos leynan cu ta regada SVB por permiti pa gobierno instrui gerencia pa traspasa

fondonan publico pa otro instancia...?

Fuera di esaki e ley cu ta regada AZV ta masha cla mes:

Gobierno su deber ta:

1. pa duna AZV un “landsbrijdrage” acceptable.

2. pa gobierno paga e deficit di AZV.

Locual ta trece cune cu si gobierno duna un landsbrijdrage balansa jamas y nunca AZV lo mester ta den problema financiero.

Pues bao di un maneho normal y balansa lo no mester tin cuestion di problema financiero di AZV.

En todo caso locual tin ARUBA su gobierno den problema serio a bolbe topa otro, esta e principionan di bon gobernacion y respet pa ley versus mal gobernacion y trapamento di nos leynan.

PPA a para pa respeta nos leynan y principionan di bon gobernacion, MEP a scohe locual MEP a critica AVP 7 aña largo pele esta pa mal gobernacion y e resultado la-

mentable ta cu pueblo tin cu paga e prijs pele.

Pesey PPA ta basa nos mes riba un CAMBIO REAL den politica Arubano. Sin no tin un partido cu scohe realmente pa un forma

ordena, respeta di funciona y pa realmente practica “good governance” anto jamas y nunca nos lo logra salba nos isla y soluciona e problematica financiero di gobierno di Aruba.

Bientonan fuerte y lama bruto lo afecta nos Isla durante di e weekend aki

ORANJESTAD (AAN)—Ta hopi comun cu durante e temporada di Semana Santa e isla ta worde confronta cu bientonan fuerte y lama bruto.

Ayeranochi, tanto Servicio Meteorologico di Antiyas Hulandes y Aruba como SARFA a haci un yamado na pueblo pa tuma cierto medidanan di prevencion ora di drenta den lama.


Por ehemplo, un yamado special ta bay pa e doñonan di embarcacionnan chikito, amantenan di lama, practicanan di windsurfing y esunnan cu ta gusta landa den lama pa no ariesga nan bisa durante di e weekend

aki ya cu tur e pronosticonan ta indica cu olanan grandi y bientonan cu por yega te 40 km/ora lo afecta e islanan di e region aki.

SARFA a indica cu pa cualkier eventualidad nan lo ta staciona banda di Strand Politie 24 ora pa dia, for di Diabierna te cu Dialuna.

Cualquier emergencia cu lo por presenta den e dianan aki ariba lama of na beach mes por worde comunica atravez di e number di telefon 962-1380 y asina miembronan di rescate lo yuda bo cu cualkier emergencia, caminda nan ta spera cu esey no ta e caso.

ABO A BUSCA BO WEBO CABA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Hose Reel

Afl: 85,=